



SAKSPAPIR

Saksnr	Utval	Type	Dato
69/2022	Formannskap/plan- og økonomiutvalet	PS	23.08.2022

Sakshandsamar	Arkiv	ArkivsakID
Tore Henrik Øye	FE-242, FA-K42	22/824

LØYVING AV TILSKOT FRÅ MYSTERFONDET TIL OPPGRADERING AV SKYTEBANA I LITLEVIKA PÅ EIDSLANDET - NYE ELEKTRONISKE SKIVER

Vedlegg:

Soknad_Sius_AC13_2022_Vaksdal

Tilbud_Sius_AC13_2022

Styret i Mysterfondet sitt framlegg til vedtak:

Med heimel i vedtektene for Mysterfondet §§ 1 og 2 sjette ledd, løyver Formannskap/plan- og økonomiutvalet (FPØ) i Vaksdal kommune, inntil kr. 25 000,- i fondsmidlar til Vaksdal/Modalen skyttarlag.

Tilskotet skal nyttast til innkjøp av 2 stykk nye, elektroniske skiver til skytebana i Litlevika på Eidslandet.

Tilskotet utgjør 19 % av godkjende kostnader på kr. 132 725,- inkl. mva. Ved lågare kostnad vert tilskotet redusert tilsvarande.

Ved momsrefusjon vert tilskotet rekna ut frå utgifter eks mva.

Tilskotet vert betalt ut etter innsendt sluttrapport med naudsynt dokumentasjon (betalt faktura, bilete og liknande).

Arbeidsfristen for tiltaket er sett til 01.09.2023. Etter dette vert tilskotet trekt attende.

Formannskap/plan- og økonomiutvalet - Sak 69/2022

FPØ - Behandling:

Samrøystes vedtak.

FPØ - Tilråding/Vedtak:

Med heimel i vedtektene for Mysterfondet §§ 1 og 2 sjette ledd, løyver Formannskap/plan- og økonomiutvalet (FPØ) i Vaksdal kommune, inntil kr. 25 000,- i fondsmidlar til Vaksdal/Modalen skyttarlag.

Tilskotet skal nyttast til innkjøp av 2 stykk nye, elektroniske skiver til skytebane i Litlevika på Eidslandet.

Tilskotet utgjer 19 % av godkjende kostnadar på kr. 132 725,- inkl. mva. Ved lågare kostnad vert tilskotet redusert tilsvarande.

Ved momsrefusjon vert tilskotet rekna ut frå utgifter eks mva.

Tilskotet vert betalt ut etter innsendt sluttrapport med naudsynt dokumentasjon (betalt faktura, bilete og liknande).

Arbeidsfristen for tiltaket er sett til 01.09.2023. Etter dette vert tilskotet trekt attende.

Saksopplysningar:

Samandrag/konklusjon (kort om saka)

Vaksdal/Modalen skyttarlag søker om kr. 50 000,- i tilskot til montering av 2 stykk nye, elektroniske skiver til laget si skytebane i Litlevika på Eidslandet. Søknaden er retta til både Mysterfondet og Vaksdal kommune sitt viltfond (samla tilskotsbeløp).

Investeringa er budsjettert til kr. 132 725,-, inkl. mva. Søknadsbeløpet utgjer 38 % av total kostnad.

Styret i Mysterfondet har handsama søknaden, og finn grunnlag for å løyve inntil kr. 25 000,- i tilskot frå fondet. Dette utgjer 19 % av total kostnad. Vurderinga er gjort med bakgrunn i fondet sitt føremål (opphjelp av vilt og fisk), jf. § 1 i vedtektene, og fondskapitalen per 01.08.22 (kr. 442 909).

Styret si instilling vert lagt fram for FPØ i Vaksdal kommune til endeleg avgjerd, i tråd med fondsvedtektene § 2 sjette ledd.

Bakgrunn for saka

I søknad av 17.06.22 søker Vaksdal/Modalen skyttarlag, v/ Trygve Mjelde, om kr. 50 000 i tilskot frå Mysterfondet og Vaksdal kommune sitt viltfond (samla søknadsbeløp). Tilskotet skal nyttast til innkjøp og montering av nye, elektroniske skiver på skyttarlaget si skytebane i Litlevika på Eidslandet. Søknadsbeløpet utgjer 38 % av budsjettert kostnad på kr. 132 725,- inkl. mva. (jf. vedlegg). Det er òg søkt Modalen kommune om kr. 50 000,- i tilskot. Den resterande kostnaden på kr. 32 725,- skal skyttarlaget dekkje av egne midlar.

Bakgrunnen for søknaden, i følgje søker, er arbeidet med å oppgradere skytebane. Oppgraderinga byrja i 2019, med utskifting av signal-/kabelsystem og straumforsyning frå standplass til skyteskivene. Her gav Mysterfondet kr. 40 000,- i tilskot, etter søknad, jf. arkivsak 04/2020.

Som følgje av utbetringa i 2019, kan skyttarlaget no gå over til den nyaste typen skiver. Desse er svært pålitelege, og krev mest ikkje vedlikehald, i motsetnad til skivene som vert nytta i dag.

Skyttarlaget har tidlegare måtte ta flerie skiver ut av bruk, grunna dårleg verknad. Nye skiver vil difor betre situasjonen monaleg, med tanke på funksjon, verknad og presisjon, i følgje søkjar.

Søkjar nemner at skytebane i Litlevika er mykje i bruk, mellom anna av jegerar som trenar og tek skyteprøva. Bana representerer av den grunn eit viktig, lokalt tilbod med stor nytteverdi.

Fondssaldoen til Mysterfondet var kr. 442 909,- per 01.08.22. I følgje vedtektene § 5, skal fondet ha ein grunnkapital på kr. 150 000,- (bunden kapital). Dette gjev kr. 292 909,- i disponible midlar.

Formelt grunnlag

- «BKK-Myster kraftverk. Vedtekter for bruk av midlar for opphjelp av vil og fisk» (Mysterfondet).

Vurdering og konsekvensar

Styret i Mysterfondet har handsama søknaden frå skyttarlaget per e-post og telefon.

Søknaden vart handsama straks etter den kom inn, og ikkje etter ein fastsett søknadsfrist for 2022. Vedtektene til Mysterfondet seier ikkje noko om søknadsfrist, men det vanlege har vore å setje fristen til 1. desember, med sakshandsaming før nyttår.

Fondsstyret ser det som verdifullt å ha ei godt fungerande skytebane i kommunen. I dette høvet vil montering av nye, elektronisk skiver gjere bana i Litlevika meir moderne og funksjonell for trening, gjennomføring av jegerprøven og andre, aktuelle aktivitetar. Tilbodet og kapasiteten lokalt vert betre, og oppgraderinga vil vonleg medverke til ytterlegare bruk og styrkja rekruttering av unge jegerar.

Skytebane i Litlevik vert nytta av fleire enn berre jegerar, og til meir enn berre å førebu jakt. Likevel er bana mykje brukt av jegerane. I dette høvet er det ein stor fordel å ha ei lokal bane som jaktinteresserte kan gjere nytte av, saman med andre skyttare. På denne måten vert det tilrettelagt for aktiv bruk og betre ferdigheiter, som igjen vil vere med å fremje jakt og viltforvaltning.

Styret i Mysterfondet meiner at tiltaket det vert søkt om midlar til, er i samsvar med fondet sitt føremål om «opphjelp av vilt». Styret går difor inn for å støtte Vaksdal/Modalen skyttarlag sitt arbeid med oppgradering av skytebana i Litlevika. Innstillinga er difor å tildele kr. 25 000,- i fondsmidlar, som utgjer halvparten av søknadsbeløpet. Ut over dette vert det vist til kommunen sitt viltfond for eventuell, ytterlegare tildeling.

Styret har i si vurdering teke med at det kan kome inn andre søknadar om tilskot frå Mysterfondet i 2022. Her er vurderinga at det er grunnlag for nye tildelingar innanfor fondssaldoen og tilgjengelege midlar. Det kjem òg inn årlege overføringar til fondet.

Saka vert sendt over til FPØ for handsaming og endeleg avgjerd, jf. fondsvedtektene § 2 sjetle ledd.